

«РҮЙХАТГА ОЛИНГАН»

«БОГОТ ТУСАК, ЁСКА ДАРГА ШЕРКАЗА»  
(рўйхатдан ўтказувчи орган Номи)

И. Машарипов Шериф

(рўйхатдан ўтказувчи органи раҳбари Ф.И.Ш.  
ва имзоси)

20 16 йил 24-а вчеч



-рақам билан

М.У.

«ТАСДИҚЛАНГАН»

«БОГОТ-ДОН»

акциядорлик жамияти акциядорларининг

2016 йил 03 августдаги навбатдан

ташқари умумий йигилиши қарори

Р.Жабборов.

(Р.Жабборов)



(Р.Жабборов)

«БОГОТ-ДОН»  
акциядорлик жамияти  
**УСТАВИ**

## I. УМУМИЙ ҚОИДАЛАР

1. Ушбу Устав Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни (матн давомида – Қонун) ва бошқа қонун ҳужжатлари асосида ишлаб чиқилган.

2. Бундан буён матнда “жамият” деб аталувчи «Богот-дон» акциядорлик жамияти Ўзбекистон Республикаси Давлат мулкини бошқариш Давлат қўмитаси (Давлат рақобат қўмитаси)нинг 1994 йил 30 декабрдаги 438-сонли буйруғига асосан ташкил этилган ва Хоразм вилояти, Богот тумани Ҳокимлиги томонидан 1995 йил 25 июня № 195-сон билан рўйхатга олинган.

3. Жамият ўз фаолиятини Ўзбекистон Республикасининг Фуқаролик кодекси, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги (06.05.2014й. ЎРҚ-370-сон) ва «Қимматли қоғозлар бозори тўғрисида»ги (03.06.2016й. ЎРҚ-387) Қонунлари ва бошқа меъёрий ҳуқуқий ҳужжатларга мувофиқ олиб боради.

4. Жамиятнинг тўлиқ фирма номи:

4.1. Ўзбек тилида:

лотин ёзувида: «Bog'ot-don» aksiyadorlik jamiyati;

кирилл ёзувида: «Богот-дон» акциядорлик жамияти.

4.2. Рус тилида: Акционерное общество «Богот-дон».

4.3. Инглиз тилида: Joint stock company «Bogot-don».

5. Жамиятнинг қисқартирилган номи:

5.1. Ўзбек тилида:

лотин ёзувида: «Bog'ot-don» AJ;

кирилл ёзувида: «Богот-дон» АЖ.

5.2. Рус тилида: АО «Богот-дон».

5.3. Инглиз тилида: JSC «Bogot-don».

6. Жамиятнинг манзили:

- жойлашган ери: Ўзбекистон Республикаси, Хоразм вилояти, Богот тумани, Кулонқорабоғ қишлоғи.

- поча манзили: Ўзбекистон Республикаси, Хоразм вилояти, Богот тумани, Кулонқорабоғ қишлоғи, Индекс: 220209.

7. Жамиятнинг электрон почта манзили: [aobogotdon@inbox.uz](mailto:aobogotdon@inbox.uz);

8. Жамиятнинг расмий корпоратив веб-сайти: [www.bogot-don.uz](http://www.bogot-don.uz).

## II. ЖАМИЯТНИНГ ҲУҚУҚИЙ ҲОЛАТИ, ЖАВОБГАРЛИГИ

9. Жамият юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав капиталига берилган мол-мулкка эга бўлади, ўз номидан мулкий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

10. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият фаолият кўрсатиш муддати чекланмаган ҳолда ташкил этилади.

11. Жамият Ўзбекистон Республикаси худудида ва ундан ташқарида банк ҳисобварақлари очишга ҳаклидир.

12. Жамият ўзининг фирма номи давлат тилида тўлиқ ёзилган ҳамда

жойлашган ери кўрсатилган юмалоқ мухрга эга бўлиши лозим. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

13. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

14. Жамият ўз мажбуриятлари юзасидан ўзига тегишли барча молмулк билан жавобгар бўлади.

15. Акциядорлар жамиятнинг мажбуриятлари юзасидан жавобгар бўлмайди ва унинг фаолияти билан бөглиқ заарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

16. Акцияларнинг ҳақини тўлиқ тўламаган акциядорлар жамиятнинг мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўлади.

17. Жамият ўз акциядорларининг мажбуриятлари юзасидан жавобгар бўлмайди.

18. Агар жамиятнинг банкротлиги жамият учун мажбурий бўлган кўрсатмалар бериш хукуқига эга бўлган акциядор сифатида иш юритаётган шахснинг гайриқонуний ҳаракатлари туфайли юзага келган бўлса, жамиятнинг мол-мулки етарли бўлмаган тақдирда, мазкур акциядорнинг зиммасига жамиятнинг мажбуриятлари бўйича субсидиар жавобгарлик юклатилиши мумкин. Акциядор мажбурий кўрсатмалар бериш хукуқига ушбу уставида бу хукуқ назарда тутилган тақдирдагина эга бўлади.

19. Жамият учун мажбурий кўрсатмалар бериш хукуқига эга бўлган акциядор жамият муайян ҳаракатни амалга ошириши оқибатида банкрот бўлишини олдиндан била туриб, ушбу хукуқидан жамият томонидан шундай ҳаракат амалга оширилиши учун фойдаланган тақдирдагина жамиятнинг банкротлиги акциядорнинг ҳаракатлари туфайли юзага келган деб ҳисобланади.

20. Давлат ва унинг органлари жамиятнинг мажбуриятлари юзасидан жавобгар бўлмайди, худди шунингдек жамият ҳам давлат ва унинг органларининг мажбуриятлари юзасидан жавобгар бўлмайди.

### III. ЖАМИЯТ ФАОЛИЯТИНИНГ СОҲАСИ (АСОСИЙ ЙЎНАЛИШЛАРИ) ВА МАҚСАДИ

21. Жамият тижорат ташкилоти бўлиб, унинг асосий мақсади молиявий-хўжалик фаолиятидан фойда олишdir.

22. Жамият асосий мақсадига эришиш учун фаолият ва хизмат кўрсатишнинг қўйидаги турларини амалга оширади:

- Ун ва ун маҳсулотларини ишлаб чиқариш ва корхона, ташкилот ва аҳолига етказиш;

- Омухта ем ишлаб чиқариш, корхона, ташкилот ва аҳолига етказиш;

- Нон ва нон маҳсулотлари ишлаб чиқариш, корхона, ташкилот ва аҳолига етказиш;

- Қишлоқ хўжалик маҳсулотларини ишлаб чиқариш, харид қилиш, қайта ишлаш, сақлаш, қадоклаш ва сотиш;

- Қишлоқ хўжалиги корхоналари ва шахсий томорқа хўжаликларида этиштирилган дон маҳсулотларни қабул қилиш, сақлаш ва қайта ишлаш;

- Фалла экинлар донини тайёрлаш ва экиш учун қишлоқ хўжалиги корхоналари ва шахсий томорқа хўжаликларига етказиб бериш;
  - Савдо харид ишлари, шу жумладан чакана, улгуржи ва тижорат савдоси;
  - Юқоридаги бандда кўрсатилган фаолиятга тааллукли чакана, улгуржи ва тижорат дўконларини очиш;
  - Халқ истеъмол моллари ишлаб чиқариш;
  - Қонунда белгиланган тартибда ташқи иқтисодий фаолият;
  - Аҳолига қонунда белгиланган тартибда маший хизмат фаолияти;
  - Аҳолига хизмат кўрсатувчи ва халқ истеъмол моллари ишлаб чиқарувчи, шунингдек бошқа харидоргир молларни ишлаб чиқарувчи кичик корхоналар тузиш;
  - Давлат, хусусий, жамоа корхоналари ва ахоли билан шартнома асосида транспорт хизмати, биолаборатория хизмати ва тегирмон хизмати кўрсатиш;
  - Биржада ва биржадан ташқарида қимматбаҳо қоғозлар билан муомала қилиш;
  - Амалдаги қонунчиликка мувофиқ экспорт-импорт операциялар билан шуғулланиш;
  - Ўзбекистон Республикаси ҳудудида ва республикадан ташқари ҳудудларда жамиятга тегишли мулкни сотиш, сотиб олиш ва ижарага бериш;
  - Ишлаб чиқарувчи ва истеъмолчилар билан бевосита ўзаро фойдали алоқаларни ўрнатиш ва ривожлантириш, тижорат-воситачилик хизматларни амалга ошириш;
  - Ўзбекистон Республикаси амалдаги қонунчилиги билан белгиланган тартибда ташқи иқтисодий фаолиятни амалга ошириш;
  - Ўзбекистон Республикаси амалдаги қонунчилиги билан ман этилмаган бошқа фаолият турлари билан шуғулланиш;
  - белгиланган тартибда инвесторлар билан шартнома асосида жамиятга хўжалик фаолияти учун самарали бўлган инвестициялар киритиш;
23. Жамият Ўзбекистон Республикасининг норматив-хукуқий ҳужоатларида тақиқланмаган бошқа фаолият турларини амалга оширишга ҳақли.
24. Махсус рухсатнома (лицензия) олишни талаб қиласидиган фаолият турлари жамият томонидан қонун ҳужоатларида белгиланган тартибда лицензия олингандан кейин амалга оширилади.
25. Мазкур Уставда кўрсатилган ўз олдига қўйилган мақсадларга эришиш учун жамият инвестицион ва Ўзбекистон Республикаси норматив-хукуқий ҳужоатлари билан ман этилмаган фаолиятларнинг бошқа турларини амалга ошириши мумкин.
26. Жамият қонунчиликда белгиланган бошқа фаолият турларини белгиланган тартибда амалга ошириши мумкин.

#### IV. ЖАМИЯТ УСТАВ КАПИТАЛИНИНГ МИКДОРИ

27. Жамиятнинг устав капитали акциядорлар олган жамият акцияларининг номинал қийматидан ташкил топади.
28. Жамиятнинг устав капитали 1949520000 сўмни ташкил қиласиди. У ҳар бирининг номинал қиймати 800 сўм бўлган 2418148 дона оддий ва 18752 дона имтиёзли акцияларга бўлинган.

## **Жамиятнинг устав капиталини кўпайтириш**

29. Жамиятнинг устав капитали қўшимча акцияларни жойлаштириш йўли билан кўпайтирилиши мумкин.

30. Қўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилади.

31. Жамият устав капиталини ошириш мақсадида жойлаштирилган акцияларига қўшимча равишда чиқариши мумкин бўлган эълон қилинган акциялари миқдори - номинал қиймати 800 сўм бўлган 5 000 000 дона оддий ва ---- дона имтиёзли акциялардан иборат.

32. Устав капиталини қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча акцияларнинг умумий қиймати, сони, тури, номинал қиймати, жойлаштириш тартиби, усули, муддати, жойлаштириш (акцияларнинг биржа ва уюшган биржадан ташқари бозорига чиқариш) нархи, акциялар учун тўлов тартиби, амалга ошмаган деб топиш улуши ва амалга ошмаган деб топилган тақдирда акциялар учун қабул қилинган тўлов воситаларини қайтариш тартиби белгиланади.

33. Қўшимча чиқарилаётган акциялар очиқ ва ёпиқ обуна усуллари билан жойлаштирилади.

34. Жамиятнинг устав капиталини кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар жамиятнинг кузатув кенгashi томонидан қабул қилинади.

35. Жамият томонидан акцияларни ва акцияларга айирбошланадиган, ҳақи пул маблаглари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар ўзига тегишли шу турдаги акциялар миқдорига мутаносиб миқдорда уларни имтиёзли олиш ҳукуқига эга.

36. Имтиёзли ҳукуқни қўлламаслик тўғрисидаги қарор, шунингдек бундай қарорнинг амал қилиш муддати ҳақидаги қарор акциядорларнинг умумий йигилишида иштирок этаётган овоз берувчи акциялар эгаларининг кўпчилик овози билан қабул қилиниши мумкин. Бундай қарорнинг амал қилиш муддати ушбу қарор қабул қилинган пайтдан эътиборан бир йилдан ортиқ бўлиши мумкин эмас.

37. Имтиёзли ҳукуқка эга бўлган шахсларнинг рўйхати қимматли қоғозларни чиқариш тўғрисидаги қарор қабул қилинган санадаги жамият акциядорлари реестрининг маълумотлари асосида тузилади.

38. Қўшимча чиқарилган акциялар бозор қийматида, лекин номинал қийматидан кам бўлмаган қийматда жойлаштирилади.

39. Акцияларни жойлаштириш, шу жумладан, акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиқсан ҳолда белгиланади.

Жамиятнинг устав капитали кўпайтирилаётганда жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивиденклар ҳисобидан ҳақ тўланган тақдирда, бундай акцияларни жойлаштириш жамият акцияларининг номинал қиймати бўйича амалга оширилади.

40. Соликка оид ёки давлат олдидағи бошқа қарздорлик ҳисобига

жамият устав капиталидаги давлат улушини шакллантириш ёки ошириш тўғрисидаги қарор жамият акциядорлари умумий йигилиши томонидан жамиятнинг жойлаштирилган овоз берувчи акцияларининг камидা учдан икки қисми эгалари бўлган акциядорларнинг (давлатдан ташқари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

### **Жамиятнинг устав капиталини камайтириш**

41. Жамиятнинг устав капитали акцияларнинг номинал қийматини камайтириш ёки акцияларнинг умумий сонини қисқартириш йўли билан камайтирилиши мумкин.

42. Агар устав капиталини камайтириш натижасида унинг миқдори қонун хужоатларида белгиланган энг кам миқдоридан камайиб кетса, Жамият устав капиталини камайтиришга ҳақли эмас.

43. Устав капиталини камайтириш тўғрисида қарор қабул қилган вақтда акциядорларнинг умумий йигилиши устав капитални камайтириш сабабларини кўрсатади ва уни камайтириш тартибини белгилайди.

## **V. ЖАМИЯТ АКЦИЯЛАРИНИНГ ТУРЛАРИ**

44. Жамиятнинг акциялари оддий ва имтиёзли бўлиб, хужоатсиз шаклда ҳисоби юритилади.

Акцияларга эгалик хукуки депо-ҳисоб варагидан кўчирма билан тасдиқланади.

45. Имтиёзли акциялар эгалари жамият тугатилган тақдирда унинг мулклари тақсимланаётган пайтда оддий акция эгалари ўртасида мулк тақсимоти амалга оширилгунга қадар ўз акцияларининг номинал қийматини оладилар.

46. Жамият ўзи жойлаштирган имтиёзли акцияларни олиш нархи уларнинг бозор қийматига мувофиқ белгиланади.

47. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича дивидендлар жамиятнинг бунинг учун маҳсус мўлжалланган фондлари ҳисобидан ҳам тўланиши мумкин.

Жамият томонидан оддий акциялар бўйича ҳисобланган дивидендларни тўлаш акциядорларнинг дивидендларни олишга бўлган тенг хукуқларига риоя этилган ҳолда амалга оширилади.

48. Дивиденд акциядорларнинг умумий йигилиши қарорига кўра пул маблағлари ёки бошқа қонуний тўлов воситалари ёхуд Жамиятнинг акциялари ва бошқа қимматли қоғозлари билан тўланиши мумкин.

Жамиятнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди.

49. Дивиденд акциядорлар ўртасида уларга тегишли акцияларнинг сони ва турига мутаносиб равища тақсимланади.

Имтиёзли акция ўз эгасига ҳар йили бир дона акция номинал қийматининг 20 фоизи миқдорида биринчи навбатда дивиденд олиш хукукини беради.

50. Жамият бир йилда бир марта йил натижаларига кўра жойлаштирилган акциялар бўйича дивидендлар тўлайди, қонун хужоатларида кўзда тутилган ҳоллар бундан мустасно.

Оддий акциялар бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг

тавсияси, молиявий ҳисоботнинг ишончлилиги ҳақида аудиторлик хуносаси мавжуд бўлган тақдирда, молиявий ҳисобот маълумотлари асосида акциядорларнинг умумий йигилиши томонидан қабул қилинади. Дивидендерни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

## VI. ЖАМИЯТНИНГ ЗАХИРА ФОНДИ

51. Жамият соф фойда ҳисобидан захира фондини ҳамда акциядорларнинг умумий йигилишида аниқланадиган, жамият фаолияти учун зарур бўлган бошқа фондларни ташкил этади.

52. Жамиятнинг захира фонди, бошқа маблағлар мавжуд бўлмаган тақдирда, жамиятнинг заарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендерни тўлаш ва жамиятнинг акцияларини қайтариб сотиб олиш учун мўлжалланади. Захира фондидан бошқа мақсадларда фойдаланиш мумкин эмас.

53. Жамият устав капиталининг 15 фоиздан кам бўлмаган миқдорда захира фонди тузилади. Захира фондига белгиланган миқдорга етгунига қадар ҳар йили соф фойдадан 5 фоиз миқдорида ажратмалар ўтказади.

54. Захира фонди тўлалигича ёки қисман сарфланиб бўлган ҳолларида, соф фойдадан мажбурий ажратмалардан тикланади.

## VII. ЖАМИЯТ БОШҚАРУВИННИНГ ТУЗИЛМАСИ

55. Жамият бошқарув органлари:

- Акциядорларнинг умумий йигилиши
- Кузатув кенгаши
- Ижроия органи (Бошқарув ва унинг раиси).

## VIII. ЖАМИЯТ АКЦИЯДОРЛАРИНИНГ УМУМИЙ ЙИГИЛИШИ

56. Акциядорларнинг умумий йигилиши жамиятнинг юқори бошқарув органидир.

57. Жамият ҳар йили акциядорларнинг йиллик (навбатдаги) умумий йигилишини ўтказиши шарт. Акциядорларнинг йиллик умумий йигилиши йил тугаганидан кейин олти ойдан кечитирмай ўтказилади.

58. Жамиятнинг бир фоиздан кам бўлмаган оддий акциялари эгалари акциядорлар умумий йигилиши кун тартиби, фойдани тақсимлаш, бошқарув ва назорат органи аъзолигига уларнинг номзодини (умумий йигилиш ўтказилгунга қадар алмаштириш имконияти билан) кўрсатиш юзасидан таклиф киритиш хукуқига эга. Бундай таклифлар молия йили тугаганидан кейин 60 кундан кечитирмай тақдим этилиши лозим.

59. Акциядорларнинг йиллик умумий йигилишида куйидаги масалалар кўрилади:

- кузатув кенгашини сайлаш;
- тафтиш комиссиясини сайлаш;
- Жамиятнинг ижроия органи раҳбари билан тузилган шартноманинг муддатини узайтириш, уни қайта тузиш ёки бекор қилиш;
- Жамиятнинг йиллик ҳисоботи ва бизнес-режаси ижроси бўйича ҳисобот;

- Кузатув кенгаши ва Ижроия органининг Жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисботлари;
- фойда ва заарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисботларини ва тафтиш комиссиясининг (тафтишчисининг) хулосаларини эшлиши.

Йигилишда бошқа масалалар ҳам кўриб чиқилиши мумкин.

60. Акциядорларнинг йиллик умумий йигилишидан ташқари ўтказиладиган умумий йигилишлари навбатдан ташқари йигилишлардир.

61. Акциядорларнинг умумий йигилишини кузатув кенгашининг раиси, у узрли сабабларга кўра бўлмаган тақдирда эса, кузатув кенгашининг аъзоларидан бири олиб боради.

62. Акциядорлар умумий йигилишининг ваколат доирасига қуйидагилар киради:

- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
  - эълон қилинган акцияларнинг энг кўп миқдорини белгилаш;
  - устав капиталини камайтириш;
  - жамиятнинг жойлаштирилган акцияларини сотиб олиш;
  - жамиятнинг ташкилий тузилмасини тасдиқлаш, Жамиятнинг ижроия органи раҳбарини сайлаш (тайинлаш);
- тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек, тафтиш комиссияси тўғрисидаги низомни тасдиқлаш;
- жамиятнинг йиллик ҳисботини, шунингдек жамият фаолиятининг асосий йўналишлари ва мақсадидан келиб чиқсан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;
- жамиятнинг фойдаси ва заарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисботларини ва тафтиш комиссиясининг (тафтишчисининг) хулосаларини эшлиши;
- имтиёзли хукуқни қўлламаслик тўғрисида Ўзбекистон Республикасининг "Акциядорлик жамиятлари ва акциядорларнинг хукуқларини ҳимоя қилиш тўғрисида"ги Қонунинг 35 моддасида ва мазкур уставда назарда тутилган қарорлар қабул қилиш;

- акциядорлар умумий йигилишининг регламентини тасдиқлаш;
- акцияларни майдалаш ва йириклиштириш;
- Ўзбекистон Республикасининг "Акциядорлик жамиятлари ва акциядорларнинг ҳукуқларини ҳимоя қилиш тўғрисида"ги Қонунинг 8 – бобига асосан баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг эллик фоизидан ортигини ташкил этувчи мол-мулк хусусида йирик битим тузиш тўғрисидағи қарор қабул қилиш;
- Ўзбекистон Республикасининг "Акциядорлик жамиятлари ва акциядорларнинг ҳукуқларини ҳимоя қилиш тўғрисида"ги Қонунинг 9 – бобига асосан Жамиятнинг аффилланган шахси билан битимлар тузиш тўғрисида қарор қабул қилиш;
- Корпоратив бошқарув кодекси тавсияларига риоя этиш мажбуриятини олиш тўғрисида қарор қабул қилиш ва хабарни ошкор қилиш шаклини тасдиқлаш;
- Жамиятнинг бошқарув органлари тўғрисидаги, шу жумладан ички назорат, дивиденд сиёсати тўғрисидаги, манфаатлар қарама-қаршилиги вақтида ҳаракат қилиш тартиби тўғрисидаги низомларини тасдиқлаш;
- ҳар йили мустақил профессионал ташкилотлар – маслаҳатчиларни жалб қилган ҳолда бизнес-жараёнлар ва лойиҳаларнинг Жамиятнинг ривожланиш мақсадларига мувофиқлиги юзасидан таҳлил ўтказиш тўғрисида қарор қабул қилиш;
- Жамиятнинг жорий хўжалик фаолияти билан боғлиқ битимларни белгилаш;
- ҳомийлик (хайрия) ёки беғараз ёрдам кўрсатиш (олиш) тартиби ва шартларини белгилаш, уларни амалга ошириш ваколатини кузатув кенгашига бериш тўғрисида қарор қабул қилиш;
- электрон почта орқали (электрон рақамли имзо билан тасдиқланган ҳолда), шунингдек, ўз ваколатини вакилга бериш йўли билан овоз бериш ёки умумий йигилиши видеоконференц-алоқа тарзида ўтказиш тартибини белгилаш (тасдиқлаш);
- саноқ комиссиясига амалий кўмак кўрсатиш ёки унинг функциясини бажариш учун мустақил экспертларни жалб этиш (масалан, инвестиция маслаҳатчиси ёки қимматли қоғозлар бозорининг бошқа профессионал иштироқчиси) тартибини белгилаш (тасдиқлаш);
- Жамият маблағлари ҳисобидан миноритар акциядорлик қўмитасини сақлаш харажатини қоплаш (миноритар акциядорлик қўмитаси тузилган тақдирда) тартибини белгилаш (тасдиқлаш);
- акциядорларнинг умумий йигилишида ҳисбот берувчи Жамият бошқарув ва назорат органлари маърузалари (ҳисботлари) шакли ва мазмунига бўлган талабларни, акциядорлар умумий йигилиши давомийлигини белгилаш;
- қонун ҳуқоқатларига мувофиқ бошқа масалаларни ҳал этиш.

63. Акциядорларнинг умумий йигилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядорнинг вакили акциядорларнинг умумий йигилишида ёзма шаклда тузилган ишончнома асосида иш юритади.

64. Акциядорларнинг умумий йигилиши томонидан қабул қилинган қарорлар қонун ҳуқоқатларида белгиланган муддатларда Жамият корпоратив веб-сайтида ва Корпоратив ахборот ягона порталаида

жойлаштириллади. Агар Жамият акциялари ва бошқа қимматли қоғозлари фонд биржасининг котировка варагига киритилган бўлса, мазкур қарорлар биржанинг веб-сайтида ҳам жойлаштириллади.

65. Акциядорлар, шу жумладан, миноритар акциядорлар овоз беришда биргалиқдаги позициясини шакллантириш учун акциядорлик битимини тузиши мумкин.

66. Жамиятнинг миноритар акциядорлари хужоатларни асоссиз равишда талаб қилиш ва маҳфий ахборотлар, тижорат сирларини қўллаш йўли билан Жамият бошқарув органи фаолиятига тўсқинлик қилмаслиги лозим.

67. Жамият Акциядорлар умумий йигилиши Жамиятнинг «Акциядорлар умумий йигилиши тўғрисида»ги Низом асосида чақирилади ва ўтказилади.

## IX. ЖАМИЯТ КУЗАТУВ КЕНГАШИ

68. Жамият кузатув кенгаши Жамият фаолиятига умумий раҳбарликни амалга оширади, акциядорлар умумий йигилишининг ваколатига тааллуқли масалалар бундан мустасно.

69. Жамият кузатув кенгашининг аъзолари акциядорларнинг умумий йигилиши томонидан бир йиллик муддатта сайланадилар. Жамият кузатув кенгаши аъзоларининг сони 5 кишидан иборат.

Корпоратив бошқарув кодексида акс эттирилган мустақил аъзо мезонларига мувофиқ бўлган кузатув кенгашининг камида бир нафар (аммо уставда кўзда тутилган кузатув кенгаши аъзолари сонининг 15 фоизидан кам бўлмаган) аъзоси –йирик акциядорлар томонидан келишилган ҳолда тавсия этилади ва сайланади.

70. Жамият кузатув кенгашининг ваколат доирасига қўйидагилар киради:

- жамиятнинг бизнес-режаси кўрсаткичлари бажарилиши, шунингдек, ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йигилишларини чақириш, Қонунда назарда тутилган ҳоллар мустасно;
- акциядорлар умумий йигилишининг кун тартибини тайёрлаш, ўтказиладиган сана, вақт ва жойни белгилаш;
- акциядорларнинг умумий йигилиши ўтказилиши ҳақида хабар қилиш ва иштирок этиш учун жамият акциядорларининг реестрини шакллантириш санасини белгилаш;
- Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунида 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йигилиши ҳал қилиши учун киритиш;
- мол-мулкнинг бозор қийматини белгилашни ташкил этиш;
- жамиятнинг ижроия органи аъзоларини (раисдан ташқари) сайлаш (тайинлаш), уларнинг ваколатларини муддатидан илгари тугатиш;

- жамиятнинг ижроия органига тўланадиган ҳақ ва (ёки) компенсациялар миқдорларини белгилаш, шунингдек, кўрсатилган тўловларнинг чегараси миқдорини Ўзбекистон Республикаси Вазирлар Маҳкамасининг 28.07.2015 йилдаги 207 – сонли қарори билан тасдиқланган "Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида"ги қарори билан белгиланган самарадорликнинг муҳим кўрсаткичларига боғлаган ҳолда белгилаш;
- корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш;
- жамиятнинг йиллик бизнес-режасини жорий йилнинг 1 декабридан кечиктирмай тасдиқлаш;
- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшлиб бориш;
- жамият ижроия органининг фаолиятига дахлдор ҳар қандай ҳужкатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужкатларни ижроия органидан олиш. Жамият Кузатув кенгаши ва унинг аъзолари олинган ҳужкатлардан фақат хизмат мақсадларида фойдаланиши мумкин;
- аудиторлик текширувани, шу жумладан ҳалқаро стандартларга мувофиқ тузилган молиявий ҳисоботларнинг ҳалқаро аудит стандартларига мувофиқ аудиторлик текширувидан ўtkазиш бўйича қарор қабул қилиш;
- аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;
- дивиденд миқдори, уни тўлаш шакли ва тартиби юзасидан тавсиялар бериш;
- захира фондидан ва бошқа фондларидан фойдаланиш;
- филиалларни ташкил этиш ва ваколатхоналарини очиш;
- шўъба ва тобе хўжалик жамиятларини ташкил этиш (улар акциядорлик жамияти ёки масъулияти чекланган жамияти шаклларида тузилади);
- Конунда белгиланган ҳолларда Жамият томонидан йирик битимлар ва Жамият аффилланган шахслари билан (манфаатдорлик) битимлар тузиш тўғрисида қарор қабул қилиш;
- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужкатларида белгиланган тартибда тузиш;
- корпоратив облигациялар, шу жумладан, акцияларга айирбошланадиган облигациялар чиқариш тўғрисида қарор қабул қилиш;
- жамиятнинг корпоратив облигацияларини қайтариб сотиб олиш тўғрисида қарор қабул қилиш;
- жамиятнинг устав капиталини кўпайтириш, шунингдек жамият уставига жамиятнинг устав капиталини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги қарор қабул қилиш;
- акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

- қимматли қоғозларнинг ҳосилаларини чиқариш тұғрисида қарор қабул қилиш;
- ҳомийлик (хайрия) еки бегараз ёрдам күрсатиш (олиш) тұғрисида қарорларни факт акциядорларнинг умумий йиғилиши томонидан белгиланған тартиб ва шартлар асосида, шунингдек, қонун ҳужкатларыда белгиланған доирада, бу ҳақда барча акциядорлар учун маълумотларни ошкор эттан тарзда қабул қилиш;
- кузатув кенгаши қошида кузатув кенгаши, ижроия органлари аъзолари, Жамият ходимлари ва жалб этилган эксперталар (тегишли соҳа мутахассислари, соҳа олий таълим муассасалари ўқитувчилари ва бошқалар)дан иборат тегишли масалалар, шу жумладан, низоли вазиятларни аниқлаш ва ҳал этиш ва бошқа масалалар бўйича қўмиталар (ишчи гурӯҳлари) ташкил этиш.

71. Кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортиқ номзодлар ўртасида тақсимлашга ҳақлидир. Энг кўп овоз тўплаган номзодлар Жамият кузатув кенгаши таркибиға сайланган деб ҳисобланади.

72. Кузатув кенгашининг раиси кенгаш аъзолари томонидан уларнинг ўзлари орасидан кўпчилик овоз билан сайланади. Кузатув кенгаши ўз раисини жами аъзоларининг кўпчилик овози билан қайта сайлашга ҳақлидир.

73. Кузатув кенгашининг раиси унинг ишини ташкил этади, Кузатув кенгаши мажлисларини чақиради ва уларда раислик қиласди, мажлисда баённома юритилишини ташкил этади, бошқарув аъзолари билан меҳнат шартномасини имзолайди.

74. Кузатув кенгаши раиси йўқ бўлган ҳолларда унинг вазифасини кенгаш аъзоларидан бири амалга оширади.

75. Кузатув кенгаши мажлислари унинг раиси томонидан ҳар чоракда камида бир марта чақирилади ва ўтказилади.

Жамиятнинг 1 фойздан кам бўлмаган оддий акциялари эгалари кузатув кенгаши мажлисини чақириши талаб қилиш ва кун тартиби юзасидан таклиф киритиш ҳукуқига эга.

76. Кузатув кенгашининг мажлисида қарорлар, агар қонунчилиқда бошқа ҳоллар кўзда тутилмаган бўлса, мажлисда ҳозир бўлганларнинг кўпчилик овози билан қабул қилинади. Кузатув кенгаши мажлисида масалалар ҳал этилаётганда кенгашининг ҳар бир аъзоси битта овозга эга. Кузатув кенгашининг бир аъзоси ўз овозини кенгашининг бошқа аъзосига беришига ҳақли эмас. Кузатув кенгаши аъзоларининг овозлари teng бўлган ҳолда, кенгаш раисининг овози ҳал этувчи ҳисобланади.

77. Мажлисда кузатув кенгаши аъзолари видео ва аудио ускуналари орқали конференция алоқаси бўйича иштирок этиши мумкин, бунда уларнинг овозлари қарор қабул қилиш учун сиртдан берилган деб ҳисобланмайди.

78. Кузатув кенгаши ва унинг раиси ўз ҳукуқларини амалга оширища ва ўз мажбуриятларини бажаришда Жамият манфаатларини кўзлаб иш тувиши лозим. Улар қонун ҳужкатларига ва ушбу уставга мувофиқ Жамият

ва унинг акциядорлари олдида жавобгардир.

79. Кузатув кенгаши мазкур Устав ва акциядорлар умумий йигилиши томонидан тасдиқланган «Кузатув кенгаши тўғрисида»ги низом асосида иш олиб боради.

## X. ЖАМИЯТНИНГ ИЖРОИЯ ОРГАНИ

80. Жамиятнинг кундалик фаолиятига раҳбарлик қилиш жамиятнинг яккабошлиқ асосидаги ижроия органи раҳбари бошқарув раиси томонидан амалга оширилади. Бошқарув раиси ваколатига Жамиятнинг кундалик фаолиятига раҳбарлик қилишга доир барча масалалар киради, Акциядорлар умумий йигилиши ва Кузатув кенгашининг ваколатларига киритилган масалалар бундан мустасно.

81. Бошқарув раиси Жамиятнинг кундалик фаолиятини бошқаради ва оператив раҳбарликни Ўзбекистон Республикаси қонунчилиги, Жамият Устави, Акциядорлар умумий йигилиши ва Кузатув кенгашининг қарорларига мувофиқ амалга оширади.

82. Бошқарув раиси Қонун ва мазкур Уставга мувофиқ акциядорлар умумий йигилиши ва кузатув кенгаши қарорлари бажарилишини ташкил этади ва уларга ҳисобот беради.

83. Бошқарув раиси ва аъзолари кузатув кенгаши томонидан сайланади (тайинланади). У билан меҳнат шартнома Жамият номидан кузатув кенгаши раиси имзолайди.

84. Бошқарув раиси ва аъзоларини тайинлаш тўғрисидаги қарор, одатда, хорижий менежерлар ҳам иштирок этиши мумкин бўлган танлов асосида қабул қилинади.

85. Акциядорлар вакили сифатида иштирок этаётган ижроия органи аъзолари ижроия органига аъзолар сайлаш масаласида овоз беришда иштирок этмайди.

86. Бошқарув раиси ва аъзоларига тўланадиган ҳақ ва (ёки) компенсациялар миқдорлари Ўзбекистон Республикаси Вазирлар Маҳкамасининг 28.07.2015 йилдаги 207 – сонли қарори билан тасдиқланган "Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида"ги қарори билан белгиланган самарадорликнинг муҳим кўрсаткичларига боғлаган ҳолда белгиланади.

87. Бошқарув ваколатига қўйидагилар киради:

- Жамият тузилмалари раҳбарларини тайинлаш (филиал ва ваколатхоналари раҳбарларидан ташқари);
- ишчи ва ходимларга иш ҳақи ва мукофотлар миқдорини белгилаш;
- ходимлар мансаб йўриқномаларини тасдиқлаш;
- Жамият тузилмалари раҳбарлари ҳисоботларини ҳар чорак якуни бўйича эшитиш;
- Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим ёки ўзаро боғланган бир нечта битимлар бўйича қарор қабул қилиш, агар бошқа шахсга берилаётган мол-мулкнинг ёки олинаётган мол-мулкнинг баланс қиймати бундай битимларни тузиш тўғрисидаги қарор қабул қилинаётган санадан олдинги ҳисобот санасига тузилган молиявий ҳисобот бўйича жамият соғ активлари миқдорининг 5 фоизидан 15 фоизигача ташкил этса, акцияларни ва бошқа қимматли қоғозларни жойлаштириш билан боғлиқ

бўлган битимлар бундан мустасно.

- Жамиятнинг асосий воситларини ҳисобдан чиқариш.

88. Бошқарув раисининг ваколатига куйидагилар киради:

- мазкур Устав ва кузатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;

• Жамият номидан ишончномасиз иш юритиш ва унинг манфаатларини ҳимоя қилиш;

• Жамият номидан битимлар тузиш, жамиятнинг филиали ёки ваколатхонаси раҳбарини тайинлаш;

• кузатув кенгашининг розилигига кўра унинг ишида маслаҳат овози билан иштирок этиш;

- Жамиятнинг филиали ёки ваколатхонаси раҳбарини тайинлаш;

• ходимлар штатларини тасдиқлаш, ходимларни (ишчиларни) ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат

ва ижро интизомини саклаб туришини таъминлаш;

• Жамият номидан амалдаги қонунчиликка асосан ишончномаларни бериш;

• Жамиятнинг барча ходимлари томонидан бажарилиши мажбурий бўлган буйруқ ва фармойишлар чиқариш ва кўрсатмалар бериш;

• ўз ваколатлари доирасида Жамиятнинг самарали ва барқарор ишлashingни таъминлаган ҳолда унинг жорий фаолиятига раҳбарлик қилиш;

• акциядорлар умумий йигилиши ва кузатув кенгаши қарорларининг бажарилишини ташкил этиш;

• Жамиятда бухгалтерия ҳисоби юритилишини ташкил этиш, шу жумладан зълон қилиш мақсадида Молиявий ҳисботлар халқаро стандартларига трансформациясини таъминлаш;

• қонун ҳужкатларига мувофиқ Жамият фаолиятига доир маълумотларни ошкор қилиш;

• йиллик ҳисботлар ва бошқа молиявий ҳисботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;

• Жамият архиви ишини ташкил этиш ва ундаги ҳужкатлар бутлигини таъминлаш;

• амалдаги қонун ҳужкатларига ҳамда Жамият ички ҳужкатларига риоя қилиш;

89. Бошқарув ва унинг раиси ўз ҳуқуқларини амалга оширишда ва ўз мажбуриятларини бажаришда Жамият манфаатларини кўзлаб иш тутиши лозим. Улар қонун ҳужкатларига ва ушбу уставга мувофиқ Жамият ва унинг акциядорлари олдида жавобгардир.

90. Бошқарув ва унинг раиси мазкур Устав ва акциядорлар умумий йигилиши томонидан тасдиқланган «Ижроия органи тўғрисида»ги низом асосида иш олиб боради.

## XI. ЖАМИЯТ ФАОЛИЯТИНИ НАЗОРАТ ҚИЛИШ

91. Жамиятнинг молия-хўжалик фаолиятини назорат қилиш учун

акциядорларнинг умумий йигилиши тафтиш комиссиясини бир йил муддатта салайди. Жамият тафтиш комиссияси 3 кишидан иборат.

92. Тафтиш комиссиясининг талабига биноан бошқарув раиси молияхўжалик фаолияти тўғрисидаги хужоатларни тафтиш комиссиясига тақдим этишлари шарт.

93. Тафтиш комиссияси амалдаги қонунчиликка мувофиқ акциядорларнинг навбатдан ташҳари умумий йигилиши чақирилишини талаб қилишга ҳақли.

94. Тафтиш комиссиясининг аъзолари бир вақтнинг ўзида кузатув кенгашининг аъзоси бўлишлари, шунингдек жамиятнинг бошқарув органларида бошқа лавозимларни эгаллашлари мумкин эмас. Айни бир шахс айни бир жамиятнинг тафтиш комиссияси таркибига кетма-кет уч мартадан ортиқ саланиши мумкин эмас.

95. Жамиятнинг молияхўжалик фаолиятини текшириш тафтиш комиссиясининг, акциядорлар умумий йигилишининг, кузатув кенгашининг ташаббусига кўра ёки жамият овоз берувчи акцияларининг камидаги 5 фоизига эгалик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

96. Жамиятнинг молияхўжалик фаолиятини текшириш якунларига кўра жамиятнинг тафтиш комиссияси хулоса тузади, бу хулосада:

- жамиятнинг ҳисботларида ва бошқа молиявий хужоатларида кўрсатилган маълумотларнинг ишончлилигига доир баҳо;
- бухгалтерия ҳисобини юритиш ва молиявий ҳисботни тақдим этиш тартиби бузилганлиги, шунингдек молияхўжалик фаолияти амалга оширилаётганда қонун хужоатлари бузилганлиги фактлари тўғрисидаги ахборот кўрсатилиши шарт.

97. Тафтиш комиссиясининг хулосаси мазмунига қўшимча талаблар акциядорларнинг умумий йигилиши томонидан белгиланади.

98. Тафтиш комиссияси жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун хужоатларининг ва Жамият ички хужоатларининг бундай битимларни тузишга доир талабларига риоя қилиниши тўғрисидаги хулосани ҳар чоракда кузатув кенгашининг мажлисида ва акциядорларнинг йиллик умумий йигилишида эшитилади.

99. Тафтиш комиссияси мазкур Устав ва акциядорлар умумий йигилиши томонидан тасдиқланадиган «Жамият тафтиш комиссияси тўғрисида»ги низом асосида иш олиб боради ва уларга белгиланган тартибда мукофот пули тўланади.

100. Жамият активларининг баланс қиймати энг кам иш ҳақи миқдорининг юз минг баробарини ташкил этса ва (ёки) ошса Жамиятда ички аудит хизмати ташкил этилади. Ички аудит хизмати жамиятнинг кузатув кенгашига ҳисобдор бўлади.

101. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун хужоатларига, жамият уставига ва бошқа хужоатларга риоя этилишини, бухгалтерия ҳисобида ва молиявий ҳисботларда маълумотларнинг тўлиқ ҳамда ишончли тарзда акс этирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сакланишини, шунингдек жамиятни бошқариш

жонади қонун хуҗоатларида белгиланган талабларга риоя этилишини текшириш ҳамда мониторинг сабиб бориш орқали жамиятнинг ижроия органни, филиаллари ва законотворчалини ишини назорат қилади ҳамда бахштайди.

102. Ични аудит хизмати жамиятдаги ички назоратни, шу жумладан, 50 фоиздан зайд узупши Жамиятта тегишли бўлган юридик шахслар билан йузоздан операциялар устидан назоратни амалга оширади.

103. Жамиятнинг ичи аудит хизмати ўз фаолиятини Ўзбекистон Республикаси Вазирлар Мажхумаси томонидан белгиланадиган тартиба мувофиқланадиган оширади.

104. Жамиятда кузатув кенгашига ҳисобдор бўлган ва корпоратив қонун хуҷоатларига риоя этилиши устидан назорат қилиш вазифасини бахаруачи жамият корпоратив маслаҳатчиси лавозими жорий этилади.

105. Жамият корпоратив маслаҳатчисининг фаолияти жамият кузатув кенгаши томонидан тасдиранган низом асосида амалга оширилади.

### XII. ЯЮНИЙ ҚОИДАЛАР

106. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йўли билан амалдаги қонун хуҷоатлари ва ушбу уставга асоссан ҳал қилинади.

107. Низо ва келишмовчиликларни музокаралар йўли билан ҳал қилиш имконияти бўлмаган тақдирда улар тегишли равишда суд орқали ҳал қилинади.

108. Мазкур Устав ва унинг юритилган ўзгартиш ва қўшимчалар қонун хуҷоатларида белгиланган тартибда давлат рўйхатига олинган вақтдан бошлаб кучга киради.

«Богот-дон» АЖ

бошқарувчи раиси в.в.б

(имзо)

Х.Фаффаров.  
(Ф.И.Ш.)



**“РҮЙХАТГА ОЛИНГАН”**

Богот туман

“Ягона дарча маркази

2016 йил “24” өкесөн даги

625

сон билан

М.Ү.

*М.Фаффаров*



**« Bogot-don » aksiyadorlik jamiyatiniнг**

**Богот туман “Ягона дарча маркази томонидан 2016 йил “24” августдаги 625-сон билан  
рўйхатдан ўтган янги тахирдаги Уставига киритилган ўзгартиришлар**

**МАТНИ**

<b>Амалдаги тахрир</b>	<b>Янги тахрир</b>
28. Жамиятнинг устав капитали 1 949 520 000 сўмни ташкил қиласди. У ҳар бирининг номинал қиймати 800 сўм бўлган 2418148 дона оддий ва 18752 дона имтиёзли акцияларга бўлинган	28. Жамиятнинг устав капитали 1 312 248 000 сўмни ташкил қиласди. У ҳар бирининг номинал қиймати 800 сўм бўлган 1 621558 дона оддий ва 18752 дона имтиёзли акцияларга бўлинган...

**“Тасдиқланган”**

Кимматли қоғозлар бозорини мувофиқлаштириш ва ривожлантириш маркази Хоразм вилоят бошқармасининг 2016 йил 16 ноябрдаги 18-сонли қарори



**Богот-дон» АЖ бошқаруви раиси в.в.б:**

X.Фаффаров